

Tico Croes ta lanza serie di pregunta pisa na Promer Ministro

Maneho di deroche lo haci florin perde valor

Den futuro Gobierno lo mester bay busca placa fia

ORANJESTAD(AAN)--

Un serie di pregunta pisa a worde lanza na Promer Ministro Nelson Oduber door di e Miembro di Parlamento pa AVP, Tico Kock.

E ta puntra si e Promer Ministro por confirma e noticianan

den prensa cu Gobierno no ta cumpli cu su obligacionnan financiero pasobra tur placa a

caba. Tambe Tico Kock kier haya confirmacion cu Gabinete Oduber a logra hundi Aruba atrobe den un aña di gober-

nacion. Esaki kier meen cu Gobierno a bolbe manda e isla bancarota asina cu pa paga salarionan fin di luna y den futuro Gobierno mester busca

placa fia na interes halto, cu atrobe Pueblo mester bay paga

back.

E Miembro di Parlamento kier confirmacion cu Aruba ta bancarota y ta puntra si e Promer Ministro por confirma cu, mientras tabata haci fiesta cu placa di Pueblo y tabata zink Aruba, Pueblo si mester a bolbe bebe awa sushi atrobe y hisa prijs di pan y gas pa Pueblo.

Tico Kock ta puntra si Promer Ministro por confirma cu mientras practicamente tur dia tin black out atrobe Gobierno a regala un power plant (generador di coriente) di mas di 50 Milyon di Florin, patrimonio di Pueblo, completamente por nada na e multinacional Coastal.

Tambe e kier confirmacion cu Gobierno a gasta casi 100 Mil Florin di placa di Pueblo, di trahadornan, pa Pueblo por mira na television con Gobierno y coalicion ta defende cu alma y

curpa e multinacional Coastal y ta baha ariba trahadornan.

E kier confirmacion cu e contrato cu Coastal, Exxon, Wickland ta encera cu hunto e multinacionalnan aki lo a haya di Gobierno na privilegio y regalo mas o menos Mil Milyon di Florin e proximo cinco añanan, mientras cu pa Pueblo si Gobierno no kier baha prijs di awa sushi.

E ta puntra si Promer Ministro por confirma cu e maneho di Gobierno ta pa awor, cu cen fia na interes alto, sigui cu e maneho di derecho te dia cu no por haya cen fia mas tampoco y Florin devalua por completo.

Finalmente Tico Kock ta puntra si e Promer Ministro no ta kere cu a bira tempo pa e cuminda haya contesta ariba tur e preguntanan, cu el a haci durante 1989.